

«19» հոկտեմբեր 2022թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով Վլադիմիր Սարգսյանի (անձը հաստ. փաստ. AP 0279252, հասցե՝ ՀՀ, ք. Հրազդան, Մաքրավան թղմ., Ներսես Շնորհալի 27 տուն) առնչությամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ֆասթ ընդ սեյֆ» ՍՊ ընկերության անվամբ (միջոցով) թիվ 05100022/300522/0014960 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծվել Վլադիմիր Սարգսյանին (առաքանի՝ 115400) պատկանող ապրանքներ, որոնք 31.05.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը՝ 28,4 կգ քաշով ապրանքների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վաչության բացթողնման բաժնի մաքսային տեսուչի կողմից 04.10.2022 թվականին Վլադիմիր Սարգսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով, ինչը ուղարկվել է նրան՝ ուղեկցական գրությամբ նրա գտնվելու վայրի հասցեով, նշվելով նաև գործի քննության տեղի ու ժամանակի մասին:

19.10.2022 թվականին ժամը 10:00-ին, մաքսային կանոնների խախտման վերաբերյալ գործի քննությանը Վլադիմիր Սարգսյանը բացակայել է՝ ինչը արգելք չէ գործը քննելու համար:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային կարգավորման մասին օրենքի 338 հոդվածի 7-րդ կետի համաձայն՝ մինչև ՀՀ մաքսային կարգավորման մասին օրենքն ուժի մեջ մտնելը կատարված մաքսային կանոնների խախտման վերաբերյալ գործերը քննվում են 2000 թվականի հուլիսի 6-ի Հայաստանի Հանրապետության մաքսային օրենսգրքի 13-րդ բաժնի դրույթներին համապատասխան:

ՀՀ մաքսային օրենսգրքի 13-րդ բաժնի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով

տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի օրենսգրքի 13-րդ բաժնի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, մաքսային կանոնների խախտման գործի վարույթի նյութերով հիմնավորվում է, որ Վլադիմիր Սարգսյանը սահմանված ժամկետում Բավրայի մաքսային կետ-բաժին անցակետով թիվ 05100022/300522/0014960 տարանցման հայտարարագրով (առաքանի՝ 115400) ՀՀ տարածք ներմուծված ապրանքների համար մաքսային հայտարարագիր չի ներկայացրել, ինչի արդյունքում կատարել է ՀՀ մաքսային օրենսգրքի 13-րդ բաժնի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային կարգավորման մասին օրենքի 338 հոդվածի 7-րդ կետով, ՀՀ մաքսային օրենսգրքի 13-րդ բաժնի 194-րդ հոդվածով, 218-րդ հոդվածով 1 կետով, 219-րդ հոդվածով, 221-րդ հոդվածի 1 կետի ա) ենթակետով և ՎԻՎ ՀՀ օրենսգրքի 234 հոդվածով՝

Ո Ր Ո Շ Ե Ց Ի

1. ՀՀ մաքսային օրենսգրքի 13-րդ բաժնի 194-րդ հոդվածով նախատեսված մաքսային կանոնների խախտում կատարելու համար Վլադիմիր Սարգսյանի նկատմամբ նշանակել **տուգանք՝ 50.000 ՀՀ դրամի** չափով:


2. Որոշման մասին հայտնել Վլադիմիր Սարգսյանին՝ պարզաբանելով, որ ՀՀ մաքսային օրենսգրքի 13-րդ բաժնի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված **տուգանքի վճարման հաշվեհամարն է 900005024055-ը** (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, **ԿՈՂ 27**):

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ

ԿԵՆՏՐՈՆ-ՄԱՔՍԱՏՈՒՆ,

ՎԱՐՉՈՒԹՅԱՆ ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ